



Na osnovu člana 25. stav (1) tačka c) Zakona o dopunskim pravima branilaca i članova njihovih porodica u Hercegovačko-neretvanskom kantonu („Službene novine HNK“, broj: 6/18 i 4/21), članka 33. Pravilnika o ostvarivanju prava na stambeno zbrinjavanje („Službene novine HNK“, broj: 2/19 i 7/21) i Odluke o davanju saglasnosti na Program utroška novčanih sredstva utvrđenih u Budžetu HNK za 2022. godinu za Ministarstvo za pitanja boraca HNK, broj: 01-1-02-1108/22 od 26.04.2022. godine, Ministarstvo za pitanja boraca HNK, raspisuje:

JAVNI OGLAS

za podnošenje zahtjeva za bespovratnu novčanu pomoć pri izgradnji, rekonstrukciji ili sanaciji individualnog stambenog objekta

I.

(Predmet Javnog oglasa, podaci o ukupnom iznosu sredstava, korisnici prava/prioriteti, opći uslovi i ograničenje korištenja prava)

(1) Predmet Javnog oglasa je dodjela bespovratne novčane pomoći pri izgradnji, rekonstrukciji ili sanaciji individualnog stambenog objekta iz raspoloživih sredstava Ministarstva za pitanja branitelja HNK (u daljem tekstu Ministarstvo) u iznosu od 275.000,00 (dvijestotinesedamdesetpet hiljada konvertibilnih maraka).

(2) Pravo na dodjelu sredstava po Javnom oglasu imaju branioci i članovi njihove porodice, te članovi porodice poginulih, umrlih i nestalih branilaca koji nemaju riješeno stambeno pitanje, a po utvrđenim prioritetima, i to:

- a) djeca poginulih, umrlih, nestalih branilaca bez oba roditelja i ratni vojni invalidi s oštećenjem organizma 100% I grupe,
- b) porodica s dva i više poginulih, umrlih, nestalih branilaca i ratni vojni invalidi s oštećenjem organizma od 100% II grupe,
- c) porodica poginulih, umrlih, nestalih branilaca i ratni vojni invalidi s oštećenjem organizma od 90%, 80% i 70% i dobitnici ratnih priznanja i odlikovanja,
- d) ostali ratni vojni invalidi i članovi porodice umrlih ratnih vojnih invalida,
- e) demobilisani branioci i članovi porodice umrlih demobilisanih branioca.

(3) Opći uslov za ostvarivanje prava po ovom Javnom oglasu je prebivalište na području kantona najmanje 10 godina prije stupanja na snagu Zakona o dopunskim pravima branilaca i članova njihovih porodice u Hercegovačko-neretvanskom kantonu, tj. od 09.08.2008. godine, uz ispunjavanje jednog od slijedećih uslova:

- da prvi put rješavaju svoje stambeno pitanje,
- da im korisna površina stambenog objekta ne odgovara broju članova porodičnog domaćinstva, - da žive u stambenom objektu koji nije uslovan za stanovanje.

(4) Pravo na stambeno zbrinjavanje može se koristiti samo za jednu stambenu jedinicu, i isto se ne može ostvariti ukoliko je lice u odbrambeno-oslobodilačkom ratu sudjelovala manje od 12 mjeseci, koji period se, uz postojanje objektivnih okolnosti, ne odnosi na porodice poginulih, na ratne vojne invalide i na lica koja su kao maloljetne stupile u odbrambeno-oslobodilački rat, uz ostala ograničenja utvrđena članom 3. i 20. Pravilnika.

II. (Namjena sredstava)

Pomoć pri izgradnji, rekonstrukciji ili sanaciji individualnog stambenog objekta ostvaruje se dodjelom bespovratnih novčanih sredstava za:

- a) stambeni objekt bez krovne konstrukcije i stambeni objekt čiju je krovnu konstrukciju potrebno zamijeniti u cijelosti ili stambeni objekt čiju je krovnu konstrukciju potrebno dijelom sanirati,
- b) stambeni objekt koji nije uslovan za stanovanje zbog narušene statičke stabilnosti ili značajnijeg oštećenja konstruktivnih elemenata objekta,
- c) izvođenje radova kojima se unutrašnji dio stambenog prostora koji nije u funkciji stanovanja dovodi u funkciju stanovanja.

Podnosilac zahtjeva dužan je na propisanom zahtjevu koji je u prilogu Javnog oglasa naznačiti jedan od osnova za koji traži bespovratna sredstva.

III. (Obavezna dokumentacija za dokazivanje ispunjenosti uslova)

(1) Dokaz o statusu:

- a) za člana porodice poginulog, umrlog, nestalog branioca uvjerenje o statusu izdato od nadležne gradske/općinske službe za boračko invalidsku zaštitu;
- b) za ratnog vojnog invalida:
 - uvjerenje o statusu izdato od nadležne gradske/općinske službe za boračko invalidsku zaštitu, te uvjerenje o sudjelovanju u odbrambeno-oslobodilačkom ratu sa dužinom trajanja (HVO, A RBiH ili MUP) izdato od strane nadležne grupe za pitanja evidencija iz oblasti vojne obaveze - obrazac VFMB-3a;
 - za članove porodice umrlog ratnog vojnog invalida uz uvjerenje o statusu umrlog ratnog vojnog invalida izdato od nadležne gradske/općinske službe za boračko invalidsku zaštitu i dokaz o srodstvu podnosioca zahtjeva sa umrlim ratnim vojnim invalidom;
- c) za dobitnika ratnog priznanja-odlikovanja, uvjerenje nadležne grupe za pitanja evidencija iz oblasti vojne obaveze ili uvjerenje izdato od nadležne gradske/općinske službe za boračko-invalidsku zaštitu, te uvjerenje o sudjelovanju u odbrambeno-oslobodilačkom ratu sa dužinom trajanja izdato od strane nadležne grupe za pitanje evidencija iz oblasti vojne obaveze-obrazac VFMB-3a;
- d) za demobilisanog branioca:
 - uvjerenje o sudjelovanju u odbrambeno-oslobodilačkom ratu sa dužinom trajanja izdato od strane nadležne grupe za pitanje evidencija iz oblasti vojne obaveze (HVO, A RBiH ili MUP) obrazac VFMB-3a,
 - za člana porodice umrlog demobilisanog branioca uz dokaz o sudjelovanju u odbrambeno-oslobodilačkom ratu sa dužinom trajanja izdat od strane nadležne grupe za pitanje evidencija iz oblasti vojne obaveze (HVO, A RBiH ili MUP) obrazac VFMB-3a i dokaz o srodstvu podnosioca zahtjeva sa umrlim demobilisanim braniocem;

(2) Potvrda o prebivalištu za sve članove porodičnog domaćinstva koje je podnosilac uvrstio na kućnu listu koju dostavlja, izdata od MUP-a HNŽ;

(3) Kućna lista ovjerena od nadležnog gradskog/općinskog organa uprave;

(4) Potvrda o kretanju za podnosioca zahtjeva izdata od MUP-a HNK od 1991. godine, izdata nakon objave javnog poziva, iz koje je nesporno vidljivo kontinuirano kretanje podnosioca zahtjeva do dana izdavanja iste;

(5) Dokaz o vlasništvu ili posjedu stambenog objekta:

5.1 Zemljišno knjižni izvadak iz kojeg se vidi da je podnosilac zahtjeva ili član njegovog porodičnog domaćinstva kojeg je podnosilac uvrstio na kućnu listu vlasnik stambene jedinice za koju podnosi zahtjev;

5.2 Dokaz o posjedu:

- a) Ukoliko podnosilac zahtjeva ili član njegovog porodičnog domaćinstva posjeduje samo građevinsko zemljište s urednom urbanističko-građevinskom dokumentacijom na kojem je započeta izgradnja stambene jedinice-dokaz o istom (minimalno urbanistička saglasnost i zahtjev za građenje);
- b) Ukoliko podnosilac zahtjeva ili član njegovog porodičnog domaćinstva stanuje u stambenoj jedinici za koju je (prije 09.08.2018. godine) podnio zahtjev za legalizaciju, a u koju je uselio prije stupanja na snagu Zakona dokaz o istom (dokaz o urednom posjedu uz zahtjev za legalizaciju i ishođene urbanističko-tehničke uslove);
- (6) Ukoliko je podnosilac zahtjeva podstanar dužan je dostaviti ugovor o podstanarskom odnosu ili drugi valjan dokaz, odnosno dostaviti privremeno rješenje o alternativnom smještaju;
- (7) Uvjerenje/a Općinskog suda da podnosilac zahtjeva i članovi porodičnog domaćinstva koje je podnosilac uvrstio na kućnu listu koju dostavlja nisu vlasnici druge stambene jedinice, izuzev stambene jedinice za koju podnosi zahtjev;
- (8) Ukoliko je podnosilac zahtjeva na dan 30.04.1991. godine živio u mjestu različitom od sadašnjeg mjesta prebivališta, dužan je priložiti i Uvjerenje/a Općinskog suda iz tadašnjeg mjesta prebivališta iz kojeg je vidljivo da on i članovi porodičnog domaćinstva koje je uvrstio na kućnu listu nisu vlasnici bilo koje stambene jedinice, osim one za koju podnose zahtjev;
- (9) Ovjerena izjava da podnosilac zahtjeva, kao i članovi porodičnog domaćinstva koje je uvrstio na kućnu listu nisu vlasnici/posjednici bilo koje stambene jedinice u HNK ili BiH, osim one za koju podnose zahtjev i izjava da isti nisu dobili stan, odnosno nisu u postupku rješavanja dodjele istog od strane Zajedničkih službi organa F BiH, iz fonda bivšeg Federalnog ministarstva odbrane i Vojske F BiH, niti su bili korisnici bespovratnih novčanih sredstava, niti su pravo na bespovratna novčana sredstva ostvarili po nekom drugom osnovu (prilog zahtjeva broj 1);
- (10) Rodni list za svako treće i slijedeće malodobno dijete, a za dijete koje se nalazi na redovitom školovanju do navršene 26. godine života-dokaz o redovitom školovanju;
- (11) Dokaz za podnosioca zahtjeva i članove porodičnog domaćinstva koje je podnosilac uvrstio na kućnu listu koji imaju redovna novčana primanja uz naznaku visine istih, izuzev novčanih primanja po osnovu boračko-invalidske zaštite (lična invalidnina) i socijalne zaštite;
- (12) Ukoliko podnosilac zahtjeva i članovi porodičnog domaćinstva koje je podnosilac uvrstio na kućnu listu nisu u radnom odnosu kao dokaz o istom dostaviti Uvjerenje Službe za zapošljavanje ili Uvjerenje nadležne porezne uprave ili Uvjerenje Federalnog zavoda za penzijsko i invalidsko osiguranje;
- (13) Dokaz o teškom zdravstvenom stanju- najtežem oboljenju i/ili povredi utvrđenom važećim propisima, za podnosioca zahtjeva i/ili članova njegove porodice;
- (14) Predračun radova s cijenom koštanja (okvirni opis troškova za radove iz tačke II. Javnog oglasa) sačinjen od ovlaštenog lica;
- (15) Izjava člana porodičnog domaćinstva - vlasnika objekta da podnosilac zahtjeva može vršiti radove na objektu u cilju trajnog rješavanja svog stambenog pitanja i vlasništva tog dijela objekta u kojem živi (u slučaju kada podnosilac zahtjeva nije vlasnik individualnog stambenog objekta ili je savlasnik dijela objekta na koji se zahtjev odnosi)-(prilog zahtjeva broj 2).

Zatražena dokumentacija ne smije biti starija od 6 mjeseci, izuzev dokumentacije iz tačke 5. i 6., a kopije iste moraju biti ovjerene kod nadležnog organa uprave.

IV.

(Prijave i postupanje po prijavama)

- (1) **Prijava na Javni oglas podnosi se na jedinstvenom obrascu dostupnom u sjedištu Ministarstva, Kralja Petra Krešimira IV, 8/a 88000 Mostar, u općinskim odnosno gradskim službama oračko-invalidske zaštite u HNK i na službenoj internet stranici Ministarstva: www.mbhnz-k.ba.**
- (2) **Prijave na Javni oglas sa potrebnim odgovarajućim dokumentima podnose se na adresu: Ministarstvo za pitanja branitelja/boraca HNK Kralja Petra Krešimira IV, 8/a 88000 Mostar.**
- (3) **Neblagovremene, nepotpune i neuredne prijave neće se uzeti u razmatranje, o čemu je Ministarstvo obavezno obavijestiti podnosioca zahtjeva.**

(4) Uvažavajući propisanu proceduru, po okončanom postupku razmatranja pravovremenih, potpunih i urednih prijava, a na osnovu utvrđenih činjenica iz člana 32. Pravilnika, te reda prioriteta po zahtjevima za odobravanje sredstava utvrđenih prema broju bodova u skladu sa kriterijima i formiranim zasebnim listama po kategorijama iz člana 21. Pravilnika, sa kvalificiranim podnosiocima zahtjeva potpisat će se Ugovor o dodjeli i namjenskom utrošku sredstava, u okviru oglasom predviđenih sredstava.

(5) Ministarstvo će posebno obavijestiti podnosiocima zahtjeva koji u skladu sa stavom (4) ove tačke nisu stekli uslove za potpisivanje Ugovora o dodjeli i namjenskom utrošku sredstava.

(6) Ministarstvo zadržava pravo dodatnih provjera i utvrđivanja svih činjenica koje su zatražene uslovima Javnog oglasa.

(7) Javni oglas ostaje otvoren 15 (petnaest) dana od dana objave.

V.

(Kontrola utroška odobrenih sredstava)

- (1) Kontrolu utroška odobrenih sredstava doznačenih na osnovu zaključenog Ugovora, vrši Komisija.
- (2) Nenamjenski utrošena sredstva koja su na osnovu Ugovora doznačena podnosiocu zahtjeva imaju se vratiti na račun Budžeta kantona.

Broj: 12-01-3F-1684/22-3

Mostar: 17.05. -2022. godine.



MINISTAR

Oliver Soldo, dipl.oec.